



Clypevs Theologiæ Thomisticæ

Continens Tractatus de Beatitudine, de Actibus humanis, eorumque
Moralitate; de Virtutibus ac Donis, de Vitiis ac Peccatis, & de Legibus,
nec-non Dissertationem Theologicam de Probabilitate

Gonet, Jean-Baptiste

Parisiis, 1669

§. I. Præmittenda ad resolutionem quæstionis

[urn:nbn:de:hbz:466:1-77355](#)

7. Dico tertio, conscientiam ex parte objecti primò dividit in bonam & malam, seu veram & falsam.

Probatur: Quia vel intellectus practicus per suum actum attingit veritatem sive bonitatem operationis moralis, vel non? Si primum, est conscientia vera, sive recta, aut bona: si secundum, falsa, vel erronea, aut mala.

Secundò dividitur ex parte auctentis in certam, probabilem, & dubiam, ad quam reducitur scrupulosa.

Probatur etiam facilè: quia aliquando conscientia absque omni prorsus formidine judicat aliquid esse bonum vel malum; aliquando vero ita uni parti auctentur, ut tamen habeat formidinem de opposita; aliquando etiam ita anceps est, ut neutri parti sciat se determinare; sicut enim in confilio est inquisitio & judicium, ita & in conscientia: Sed primum efficit conscientiam certam; secundum probabilem; tertium dubiam: Ergo &c. Diximus autem scrupulosam reduci ad dubiam, quia sicut dubia ex apparentibus, ita scrupulosa ex levissimis, & interdum ridiculis rationibus suspendit judicium.

De conscientia eleganter differit Hugo Victorinus lib. 2. de anima cap. 9. ubi sic ait: *Conscientia bona titulus est religionis, templum Salomonis, ager benedictionis, horus deliciarum, reclinatorium aureum, gaudium Angelorum, arca fidei, thefaurus Regis, aula Dei, habitaculum Spiritus Sancti, liber signans & clausus, & in die judicij aperiendus.*

ARTICVLVS I I.

An licitum sit sequi opinionem minus probabilem, faventem libertati, in concursu probabilioris, qua faveat precepto?

§. I.

Premittenda ad resolutionem questionis.

NO T A N D V M primò, opinionem probabilem communiter illam dici, que rationes alias habet suadentes veritatem illius, cum formidine tamen alterius opinionis oppositæ: ut colligitur ex D. Thoma 1. p. qu. 79. art. 9. ubi ait: *Opinio significat actum intellectus, qui fertur in unam partem contradictionis, cum formidine alterius.* Unde opinio probabilis efficienter habet annexam formidinem alterius partis oppositæ; & apparentia tantum ac verisimilitudini, non autem evidentiæ aut certitudini nititur, ut eleganter declarat D. Bernardus 5. de consider. cap. 2. his verbis: *Intellectus rationi innititur, fides autoritati, opinio sola verisimilitudine se tuerit. Habent illa duo certam veritatem: sed fides clausam & involutam; intelligentia nudam & manifestam.* Ceterum opinio certi nihil habens, verum per verisimilitudinem querit, potius quam apprehendit. Et infra: *Possimus singula hoc definire: Fides est voluntaria quadam & certa prelabilatio propalata veritatis. Intellectus est rei cuiusdam invisibilis certa & manifesta notitia. Opinio est quasi pro vero habere aliquid quod falso esse nescias.*

Ex quo inferes, opinionem non computari inter virtutes intellectuales: quia, ut discurret S. Thomas 1. 2. qu. 57. art. 2. ad 3. *Habitus virtutis*

determinat se habet ad bonum, nullo autem modo ad malum: unde soli illi habitus virtutes intellectuales dicuntur, quibus semper dicitur verum, & nunquam falsum: opinio vero & suspicio possunt esse veri & falsi, & ideo non sunt intellectuales virtutes. Quare ibidem art. 5. quinque tantum virtutes intellectuales constituit; tres speculativas, nempe habitum primorum principiorum, sapientiam, & scientiam, quæ circa veritatis speculationem versantur; & duas practicas, nimurum, prudentiam, & artem, quæ agibilia & factibilia respiciunt.

Notandum secundò, duplicem à Theologis solere distingui probabilitatem: unam intrinsecam, qua à motivis intrinsecis, seu à rationibus suadentibus petitur; aliam extrinsecam, quæ à motivis extrinsecis, qualia sunt Doctorum suffragia & testimonia, sumitur. Unde Tamburinus lib. 1. in Decal. cap. 3. §. 3. post alios Recentiores quos refert, sic definit opinionem probabilem: *Opinio probabilis est assensus intellectus de aliqua re, qui nitarur rationi vel autoritati alicujus momenti, quamvis adsit nonnulla partis opposita formido.* Et subdit: *Quando ejusmodi assensus innititur rationi, dicitur probabilitas intrinseca; extrinseca, quando autoritati.*

Notandum tertio, aliud esse opinionem aliquam esse tutiore, & aliud, esse probabiliorem: opinio enim dicitur tutior, quæ magis à periculo peccandi removet; probabilior vero, quæ veritati & rationi appetit conformior. Unde fieri potest quod aliqua opinio sit magis tuta in praxi, & tamen speculativæ sit minus probabilis, ut patet de sententia D. Bonaventure, doceptis lapsum in peccatum mortale teneri statim sub precepto ad confessionem, habita copia Confessoris; hæc enim haud dubie tutior est, licet communiter habeatur minus probabilis. Regula ergo securitatis moralis in opinionibus, non ex majori vel minori probabilitate, sed ex carentia periculi offendendi Deum pensanda est. Regula vero probabilitatis ex majori vel minori appetientia veritatis desumit debet.

D. Notandum quartò: Quod quando queritur in titulo, *An licitum sit sequi opinionem minus probabilem, in concursu probabilioris?* non est ferme de sequela speculativa; sed de practica: concedimus enim quod in Scholis, disputationis gratia, possit defendi qualibet propositione moralis, habens minorem, imò & minimam probabilitatem, dummodo non sit temeraria: sed solum est questio de sequela in praxi, seu quando homo tenetur operari, & aliquam actionem moralem, cui subest peccandi periculum, exercere.

E. Notandum quintò, tria ab omnibus ferè Theologis circa opinionem probabilitatem ut certa supponi, & totidem in controversiam verti. In primis ut certum supponitur, licitum esse sequi conscientiam & opinionem probabilem, assertorem aliquid licet posse fieri, dum facta sufficiens diligentia, alia tutior & probabilius non appetit. Hanc suppositionem fusè infra art. 7. offendimus contra Wendrochium, existimantem meram probabilitatem, nunquam tutam morum regulam esse posse; nec unquam operantem ex illa à peccato excusare, etiæ veritatem ignorere invincibiliter: nunc breviter suadetur. Deus non exigit ab homine impossibilia: Ergo cum non possit semper in rebus moralibus evidentiæ & certitudinem mathematicam veritatis habere, licet potest operari juxta opinionem

probabilem, cùm factâ sufficienti diligentia, juxta conditiones rei & personæ, aliud probabilitus vel tutius non apparet.

Secundò certum est, hominem non teneri semper sequi tutiorem sententiam, sed posse sequi minus tutam, si illa appareat probabilior, seu veritati conformior. Patet hoc duplici exemplo: nam Divus Bonaventura, & Hugo à Santo Vito, tenent lapsum in peccatum mortale teneri statim sub pracepto ad confessionem, habita copiâ Confessoris: negant vero Divus Thomas, D. Antoninus, & communiter alij, qui reliktâ D. Bonaventura opinione, quæ tutior est, D. Thomæ sententiæ, utpote probabiliori, adhaerent. Item celebris difficultas est inter Theologos, an circumstantia intra eandem speciem aggravantes sine necessariò in confessione exprimendæ: alii partem affirmativam, alii negativam sequentibus: unde illi quibus pars negativa videtur probabilior, possunt eam tuâ conscientiâ sequi, et si alia sit tutior, ac securior, & magis à peccandi periculo removeat poni- tentem.

Tertiò certum est, quod si sententia minus probabilis ex ratione seu motivo intrinsecò, motivò extrinsecò, seu adventitiâ autoritate, fiat certa moraliter, potest quis licet & tutò cam sequi: tunc enim absolute probabilior est, & dicitur solum minus probabilis secundum quid, à ratione videlicet, cuius vis contraria authoritatis pondere proflus infringitur.

13. Hec, ut dixi, ferè apud omnes sunt certa. Sed dubitatur primò, an licitum sit sequi opinionem minus probabilem, faventem libertati, in concursu probabilioris, qua faver præcepto? Secundò, utrum in concursu durarum opinio- num æquè probabilem, teneamus eligere tutio- rem? Tertiò, utrum unius tantum Doctoris suf- fragium, seu authoritas, per se sufficiat ad red- dendam aliquam opinionem probabilem, & tu- tam in præcepto?

14. Partem affirmativam, quantum ad hæc tria, tenent plures ex recentioribus Theologis & Causistis, existimantes, omnes opiniones probabi- les, probabilitate quantumvis tenui & debili, esse turas, & à peccato excusare. Ex quo princi- pio tres deducunt conclusiones, seu tres statuun probabilitatis gradus, tribus sequentibus pro- positionibus comprehensos.

Prima propositio est: *Cum quis in aliquo ca- su morali agnoscat unam opinionem esse probabi- lem, illam scilicet que affirmat actum esse lici- tum, potest tutâ conscientiâ juxta illam operari, nec tenetur inquirere, an opinio contraria, que dicit actum esse illicitum, sit æquè probabilis, aut probabilior.* In hoc primo gradu convenienti communiter recentiores Theologi & Causistæ, ex quo ad alium laxiorem tranferunt, qui gra- viores difficultates ac pericolosiores involvit: pro quo est

Secunda propositio: *Quando in aliqua mate- ria morali duæ sunt opiniones opposite, æquè pro- bables, licitum est unicuique ampliè quam ma- luerit, etiamsi illa quam relinquit, tutior sit.*

Tertia propositio: *Cum in aliqua questione de morib[us] sunt duæ opiniones probables, quarum una est minus probabilis, & minus tuta, licitum est in conscientia illam sequi, et si contraria longe- sit probabilior & tutior.* Unde Caramuel (vir sa- nè in multis perdoctus, sed in laxandis conscientiis, & dilatandâ probabilitatibus doctrinâ infalli-

A citer sagax, ut infrâ patet) Theol. fundam. num. 275, editionis Francofurtensis, & 451. editionis Lugdunensis, confidenter assertit, *omnia puri probabilita esse licita.* Et ibidem num. 268, alias 441, sic ait: *Solent aliqui angi scrupulis, & suadere solent, etiam precipere, viam tutio- rem in materia probabiliti: at ipsi videntur mibi non percallere probabilitatis essentiam, & idèo in commentario meo in regulam D. Benedicti, disp. 6. de opinione probabili, num. 58. & 61. duas*

Theses posui. Prima erat: Omnes opiniones probabiles sunt per se æquè tutæ & securæ. Secunda: Benigniores, et si aliquando sint minus proba- biles, per accidens sunt semper utiliores & secu- riiores. Et in præludio ejusdem Theologia fun- dam, applaudit Diana, solertissimo probabilitatum adinventori, ac divulgatori, quod complures opiniones reddende probabiles, reddide- rit licitas, ipsumque appellat *Agnum Dei qui abfuit peccata mundi*, ut infrâ art. 6. refere- mus. Similia haber Tamburinus, novissimus So- cietas scriptor, lib. i. in Decal. cap. 3. §. 3. num. 3. ubi hac scribit: *Qui aliquid operatur motus ex opinione probabili, bene operatur & sine peccato, etiam opinione probabiliori reliktâ, etiam omis- sâ tutore, etiam communi, etiam in articulo mor- tis: quia dum probabilitate, sive intrinsecâ, si- ne extrinsecâ, quantumvis tenui, modò à proba- bilitate finibus non excedatur, consili aliquid agi- mus, semper prudenter agimus.* Juxta hunc ergo

B Authorum, & alios Recentiores, ab eo citatos, fine ullo peccandi periculo, imò nec scrupulo, quisque in præcepto potest opinionem quantumvis tenuiter probabilem, opinionem etiam probabiliori reliktâ, nec non & communi, etiam in articulo mortis, ubi de aternitate jacitur alia.

C Addunt aliqui, quod licet quis certis ac ma- nifestis argumentis alicujus sententia falsitatem ostendi posse existimet, non idèo tamen fas est ut illam improbabilem judicer, modò alicui do- cto probetur: quia potest & debet sibi persuade- re, rationes suas, & argumenta, que sibi vi- dentur invicta, ab alio solvi posse. Hoc docet Thomas Sanchez in Decal. lib. i. cap. 9. num. 6. Sayrus in clavi, & ex illis Escobarius, his verbis: *Accidere affoler, ut tibi probabiliter opinantur ra- tiones aliquæ in contrarium convenientia videantur: sed non inde opinio probabilitatem amittit, quia licet tu illam non valeas solvere rationem, alius solvere quabit, idque tibi debes persuadere, cùm sepe multa tibi rationes insolubiles exponantur, que ab aliis facili negotio solvuntur: quare imprudenter te gereres, si ob hanc causam, aliorum opiniones, que ut probabiles circumferuntur, ut improbabiles abdicares.* Unde juxta hos Authores, ex sola fere novorum Causistarum autoritate probabilitas opinionum pensari debet, nec unquam Theologo licitum erit, ali- quam Causitatum sententiam, quam ex Patri- bus aut Scripturis manifestè fallam esse compe- rerit, improbabilem censere: nam semper illud occurrit: *Quod tibi videtur insolubile, alius sol- vere poterit: Quod tu cum Scriptura & Patribus conciliari non potes, conciliabis alius.* Sileo alia probabilitatum monstra, de quibus fusè infrâ di- cemus, & proposita difficultatis resolutionem aggredior.

